



Broj: 01-23/17
Vareš, 31.01. 2017. godine

Z A P I S N I K
s 2. sjednice Općinskog vijeća Vareš,
održane 29.12. 2016. godine

Kenan Kamenjaš – predsjedavajući Općinskog vijeća Vareš, otvorio je 2. sjednicu s početkom u 13,00 sati, u velikoj sali Općine Vareš.

Predsjedavajući OV pozvao je Muftić Anela novoizabranog vijećnika iz stranke SBB da pristupi davanju svečane izjave. Predsjedavajući OV pristupio je čitanju teksta **Svečane izjave**, a Muftić Anel je dao i potpisao **Svečanu izjavu**.

Vijećnik je potpisao i Izjavu o upoznavanju i prihvatanju Etičkog kodeksa u budućem radu.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Demo, Marošević Mario, Mirčić Mario, Muftić Safeta, Muftić Anel, Mušanović Nedžad, Riđić Kruno, Romić Branko, Rožajac Elvir, Šimić Nikola i Turki Fadila.

Odsutni: Darija Kuhar.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici i šef kabineta općinskog načelnika i ispred općinskih službi gosp. Boro Anđić, gosp. Mevla Alić i gosp. Emira Čizmo.

Sekretar OV Leon Pavlović izvijestio je Vijeće o realizaciji Zaključaka i postavljenim vijećničkim pitanjima sa Konstituirajuće 1. sjednice OV održane 29.11. 2016. godine. Na Konstituirajućoj 1. sjednici OV donesena su dva (2) zaključka, od kojih je jedan realizovan a jedan je u toku realizacije. Postavljeno je devet (9) vijećničkih pitanja na koja je Općinski načelnik dao usmene odgovore na samoj sjednici.

Općinski načelnik Zdravko Marošević u okviru aktuelne problematike na području općine Vareš za današnju sjednicu, upoznao je Vijeće da je Općina Vareš uz mjere štednje i finansijsku disciplinu, smanjila dugove, što je ohrabrujuće. Urađen je novi budžet koji objektivno nije realan, ali je neminovno. Istakao je da Općina Vareš ima problem zbog nedostatka pravobranioca i da je za istog raspisan konkurs za prijem u radni odnos. U svom obraćanju izjavio je da Odluku o kreditnom zaduženju Općine Vareš koja je planirana za današnju sjednicu, povlači sa dnevnog reda uz objašnjenje da su iz Kantonalnog ministarstva za finansije dali takve upute jer Općina Vareš nema konačni usvojeni Budžet. Kad se ispoštuje zakonska procedura usvajanja i donošenja Budžeta Općine Vareš tada će Vijeću biti ponudena na razmatranje i usvajanje Odluka o kreditnom zaduženju.

(Vijećnička pitanja)

Kruno Riđić

1. Zašto 150 ljudi nisu obišli mobilni timovi i omogućili im da glasaju na Lokalnim izborima održanim 02.10.2016. godine?

Safeta Muftić

2. Postoji li ikakva mogućnost da se već nastale rupe ,u naselju Selište, riješe?
3. Naselja Selište i Nikovac već danima nema rasvjetu, da li je u pitanju neki kvar?

Elvir Rožajac

4. Zašto se rupa odnosno šaht u glavnoj ulici ,kod autodijelova, nije sanirao?
5. Da li će se nešto poduzeti za saniranje česme „toplík“ ?

Adis Čizmo

6. Ko je zadužen za čišćenje jednosmjerne ulice i prilazu gradskoj pijaci , da li će biti redovnije održavanje u zimskom periodu ?
7. Da li će biti planirano osvjetljenje puta prema naselju Ljepovići ?

Branko Romić

8. Pitanje vezano za postavljanje hidrocentrale od „Pera“ do skretanja za selo Striježevo : Kakve su nadležnosti Općine po pitanju koncesionog ugovora u fazama u kojima treba intervenirati kada se Ugovor ne poštuje? O postavljenom pitanju dao je pojašnjenje.

Alma Kamenjaš

9. Da li se išta poduzima po pitanju deponije smeća uz regionalni put R-444 između Breze i Vareša i da li se navedeni lokalitet tretira od strane stručnih službi za dezinfekciju, dezinsekciju i deratizaciju? O postavljenom pitanju dala je pojašnjenje.
10. Pitanje vezano za posljedice koje su ostavile poplave na korito rijeke Stavnje u naselju Hodžići : Kada se može očekivati rješavanje tog problema ? O postavljenom pitanju dala je pojašnjenje.

Mirnes Ajanović

11. Da se sugeriše komunalnom preduzeću da obrati pažnju da kritične tačke u saobraćaju (Partizan – Vareš Majdan)
12. Postoji li mogućnost i ko je nadležan da se postavi zaštitna mreža na lokalitetu Kapija ? O postavljenom pitanju dao je pojašnjenje.

Fadila Turki

13. Sugeriše da se nešto poduzme po pitanju odrona u naselju Ljepovići.
14. Da li je moguće da se iznađe rješenje i da se građani liječe u Sarajevu a ne u Zenici ?

Ilhana Fatić

15. Dokle je stigao projekat za izgradnju sportskog igrališta u MZ Budoželje? O postavljenom pitanju dala je pojašnjenje.

Demo Kevrić

16. Poziva Općinu Vareš da da saglasnost za završetak rasvjete u MZ Striježevo.
17. Upućeno PJ Šumarija Vareš : postoji li mogućnost za obezbjeđenje stovarišta za ogrijevno drvo u gradu ? O postavljenom pitanju dao je pojašnjenje.

Predsjedavajući OV stavio je na raspravu Zapisnik sa 38. sjednice OV.

Nije bilo učesnika u raspravi i predsjedavajući OV stavio je na izjašnjavanje Zapisnik sa 38. sjednice OV.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“) usvojen Zapisnik sa 38. sjednice OV.**

Predsjedavajući OV stavio je na raspravu Zapisnik sa Konstituirajuće 1. sjednice OV.

Vijećnik Demo Kevrić javio se za riječ i izjavio da nema primjedbi na Zapisnik i zatražio da se na postavljena vijećnička pitanja na koje je odgovoreno usmeno na samoj sjednici, odgovori unesu u Zapisnik.

Predsjedavajući OV podsjetio je vijećnike da se vijećnika pitanja mogu postavljati i pismeno na obrascima koji vijećnici dobiju u materijalu i da će na ista dobiti i pismeni odgovor.

Sekretar OV izjavio je da se Zapisnik radi u skladu sa Poslovníkom o radu OV i da se svim nadležnim blagovremeno dostave postavljena vijećnička pitanja. Ako Stručna služba OV zaprimi odgovore prije upućivanja poziva za sjednicu OV, isti će biti dostavljeni vijećnicima uz poziv za sjednicu.

Nije više bilo učesnika u raspravi i predsjedavajući OV stavio je na izjašnjavanje Zapisnik sa Konstituirajuće 1. sjednice OV.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“) usvojen Zapisnik sa Konstituirajuće 1. sjednice OV.**

Predsjedavajući OV stavio je na raspravu prijedlog dnevnog reda za 2. sjednicu OV koji je usaglašen na Kolegiju Općinskog vijeća.

Općinski načelnik obavještava OV da povlači sa dnevnog reda današnje sjednice tačku 6. Odluka o kreditnom zaduženju Općine Vareš, predsjedavajući OV konstatuje da je ista povučena.

Predsjedavajući OV stavio je na izjašnjavanje prijedlog dnevnog reda 2. sjednice OV sa izmjenom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“)** usvojen **s l i j e d e ć i**

D n e v n i r e d:

1. Prijedlog Odluke o građevinskom zemljištu Općine Vareš.
2. Prijedlog Odluke o vrijednosti boda komunalne naknade za 2017. godinu.
3. Prijedlog Odluke o izmjeni Odluke o općinskim komunalnim taksama
4. Prijedlog Odluke o izboru stalnih radnih tijela Općinskog vijeća Vareš.
5. Prijedlog izmjena i dopuna budžeta/proračuna Općine Vareš za 2016. godinu.
6. Nacrt budžeta/proračuna Općine Vareš za 2017. godinu.
7. Nacrt Odluke o izvršenju budžeta/proračuna Općine Vareš za 2017. godinu.
8. Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2017. godine.
9. Prijedlog Rješenja o odbijanju zahtjeva Fazlić Enesa iz Dabravina kojim je zatražio da mu se dodijeli zemljište državne svojine označeno kao k.č. broj 301/1 k.o. Dabravine, radi izgradnje poslovnog objekta.
10. Prijedlog Programa rada OV za 2017. godinu.
11. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2017. godinu broj 02-1248/16 od 13.12.2016. godine
12. Izvještaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove lokalnih cesta.
13. Izvještaj o stanju poljoprivredne proizvodnje na području općine Vareš za 2016. godinu.
14. Izvještaj o realizaciji Programa finansiranja komunalnih djelatnosti u 2016. godini.
15. Izvještaj o realizaciji programa rekonstrukcije, izgradnje i obnove lokalnih cesta za 2016. godinu.
16. Informacija o realizaciji projekata infrastrukture na području općine Vareš za 2016. godinu.
17. Tekuća pitanja.

Ad. 1.

(Prijedlog Odluke o građevinskom zemljištu Općine Vareš.)

Ispred ovlaštenog predlagača gosp. Mevla Alić dala je dodatno pojašnjenje za ovu tačku dnevnog reda u kome je naglasila da se gradsko i ostalo građevinsko zemljište po Zakonu o stvarnim pravima može samo prodavati putem licitacije, a ne kao do sad dodjeljivati na korištenje.

Otvorena je rasprava u kojoj su svoja mišljenja, sugestije i prijedloge iznijeli vijećnici: Mario Mirčić (predložio je da se u Prijedlogu Odluke pored riječi „kapara“ doda riječ „depozit“, u članu 7. stav 4. da se dodaju riječi „- rok u kom se ima izvršiti povrat kapare-depozita ostalim učesnicima licitacije čije prijave nisu proglašene kao najuspješnije;“, u članu 10. da se dodaju riječi „vrijeme u kom se ima vratiti kapara-depozit, učesnicima licitacije čije ponude nisu proglašene najpovoljnijim;“ u članu 16. stav 5. iza riječi „poslije“ dodaju riječi „trećeg poziva“) i Kruno Ridić koji je od predlagača tražio pojašnjenje u vezi industrijskih zona.

Mevla Alić ispred predlagača iznijela je mišljenje u vezi prijedloga vijećnika Maria Mirčić.

Pomoćnik načelnika Ermin Musa u svom obraćanju dao je pojašnjenje vijećniku Kruni Ridić u vezi industrijskih zona i ispred ovlaštenog predlagača izjavio da prihvata prijedloge vijećnika Maria Mirčić. Kao i sugestiju Općinskog načelnika na tehničku grešku u članu 54. umjesto 70% treba da stoji 30%).

Zaključena je rasprava i predsjedavajući OV stavio je na izjašnjenje Prijedlog Odluke o građevinskom zemljištu Općine Vareš sa prihvaćenim prijedlozima iznesenim u raspravi.

Nakon izjašnjenja vijećnika predsjedavajući OV konstatuje **da je jednoglasno (18 glasova „ZA“) usvojena**

Odluka o građevinskom zemljištu Općine Vareš.

Ad. 2.

(Prijedlog Odluke o vrijednosti boda komunalne naknade za 2017. godinu.)

Pomoćnik načelnika Ermin Musa dao je dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Elvir Rožajac i iznio stav Naše stranke da će kod izjašnjenja po ovoj tački biti „suzdržan“ o čemu je dao pojašnjenje.

Zatvorena je rasprava i predsjedavajući OV stavio je na izjašnjenje Prijedlog Odluke o vrijednosti boda komunalne naknade za 2017. godinu.

Nakon izjašnjenja vijećnika predsjedavajući OV konstatuje **da je sa 16 glasova „ZA“ i 2 „SUZDRŽANA“ glasa usvojena**

Odluka o vrijednosti boda komunalne naknade za 2017. godinu.

Ad.3.

(Prijedlog Odluke o izmjeni Odluke o općinskim komunalnim taksama.)

Pomoćnik načelnika Ermin Musa ispred predlagača dao je pojašnjenje za ovu tačku dnevnog reda u kome je upoznao Vijeće da je Prijedlog Odluke pripremljen na osnovu Zaključka OV sa prošle sjednice. U Prijedlog Odluke uvršteni su svi zahtjevi koji su do tada pristigli, nakon pripreme Prijedloga stigao je i Zahtjev PZU „Apoteka“ Vareš i o istom se treba Vijeće izjasniti.

Za riječ se javio Općinski načelnik koji je u svom obraćanju skrenuo pažnju na stare zanate iznio svoje mišljenje u vezi ove tačke dnevnog reda.

Otvorena je rasprava u kojoj su svoja mišljenja, pitanja, sugestije i prijedloge iznijeli vijećnici: Nikola Šimić, Čizmo Adis (ispred Kluba SDA predložio je da se u tarifnom broju IV tačka

4. – „energetske, poštanske, telekomunikacijske i finansijske djelatnosti“, navedeni iznos 2.000,00 KM poveća na 3.000,00 KM, pod rednim brojem 5. – „djelatnosti igara na sreću“, navedeni iznos 2.000,00 KM poveća na 3.000,00 KM, pod rednim broje 6. – „uslužne djelatnosti“ da se razvrstaju na uslužne i zanatske djelatnosti, da se u tarifnom broju IV doda tačka koja bi glasila „-svi oni koji prvi put pokreću privrednu ili uslužnu djelatnost oslobađaju se od plaćanja takse u prvoj godini poslovanja“.), Mirnes Ajanović (sugerisao je ako postoji mogućnost da se stari zanati potpuno oslobode plaćanja takse), Elvir Rožajac, Mario Mirčić (predložio da se Prijedlog Odluke usvoji u formi koja je dostavljena Vijeću), Đemo Kevrić, Dženan Džafo (uputio pitanje u vezi uvrštavanja u drugu zonu poljoprivredne zadruge u Dabrinama), Safeta Mufić (iznijela stav Kluba SBB da trgovinske i ugostiteljske djelatnosti treba razdvojiti).

Predsjedavajući OV izjavio je da Vijeće može, ako ima potrebu, napraviti pauzu u vezi dogovora i usaglašavanja iznesenih prijedloga u raspravi.

U daljnjoj raspravi je učestvovao Općinski načelnik koji je u svom obraćanju iznio svoje mišljenje u vezi iznesenih prijedloga i odgovorio na neka postavljena pitanja.

Predsjedavajući OV pozvao je pomoćnika načelnika Ermina Musu da se ispred ovlaštenog predlagача očituje o hitnosti donošenja ove Odluke i da se ako je moguće Odluka koriguje po svim iznesenim prijedlozima u raspravi za 2018. godinu a da Odluku Vijeće prihvati u formi koja je i dostavljena za današnju sjednicu OV.

Ermin Musa ispred ovlaštenog predlagача u svom obraćanju odgovorio je na neka pitanja vijećnika postavljena u raspravi. U vezi postavljenog pitanja vijećnika Dženana Džafe izjavio je da će pod tačkom 6. Prijedloga Odluke u II, III i IV zoni dodati se i poljoprivredne zadruge kao sto su navedene i u I zoni u Prijedlogu Odluke. U vezi prijedloga vijećnika Adisa Čizme upoznao je prisutne da je i u ranijim Odlukama kad su u pitanju uslužne djelatnosti, Poreska uprava prilikom slanja Rješenja razvrstavala na uslužne i zanatske djelatnosti. Predložio je da Vijeće usvoji Odluku u formi u kojoj je dostavljena Vijeću sa dopunom da se poljoprivredne zadruge dodaju u zone II, III i IV kao sto su navedene i u zoni I. Prijedlozi vijećnika koji su izneseni u raspravi mogu se uzeti u obzir prilikom izrade Prijedloga Odluke za 2018. godinu.

Zaključena je rasprava i predsjedavajući OV stavio je na izjašnjavanje Prijedlog Odluke o izmjeni Odluke o općinskim komunalnim taksama sa dopunom koja se odnosi na poljoprivredne zadruge.

Nakon izjašnjavanja vijećnika predsjedavajući OV konstatuje **da je jednoglasno (18 glasova „ZA“) usvojena**

Odluka o izmjeni Odluke o općinskim komunalnim taksama.

Ad.4.

(Prijedlog Odluke o izboru stalnih radnih tijela Općinskog vijeća Vareš.)

Otvorena je rasprava u kojoj je vijećnik Kruno Riđić ispred Kluba DF predložio izmjenу Prijedloga Odluke koja se odnosi na izmjenу člana 1. - II Komisija za zaštitu ljudskih prava i sloboda, predstavke, pritužbe, prijedloge i jednakopravnost spolova pod tačkom 4. umjesto predloženog člana Komisije Hadžić Šeherzada predlaže se novi član Novalić Mirela.

Nije više bilo učesnika u raspravi i predsjedavajući OV stavio je na izjašnjavanje Prijedlog Odluke o izboru stalnih radnih tijela Općinskog vijeća Vareš sa predloženom izmjenom Kluba DF.

Nakon izjašnjavanja vijećnika predsjedavajući OV konstatuje **da je jednoglasno (18 glasova „ZA“) usvojena**

Odluka o izboru stalnih radnih tijela Općinskog vijeća Vareš

Ad.5.

(Prijedlog Izmjena i dopuna budžeta/proračuna Općine Vareš za 2016. godinu.)

Pomoćnik načelnika Ermin Musa ispred ovlaštenog predlagača dao je pojašnjenje za razloge donošenja ove tačke dnevnog reda.

Nije bilo učesnika u raspravi i predsjedavajući OV stavio je na izjašnjavanje Prijedlog Izmjena i dopuna budžeta/proračuna Općine Vareš za 2016. godinu.

Nakon izjašnjavanja vijećnika predsjedavajući OV konstatuje da su **sa 12 glasova „ZA“ , 1 glasom „PROTIV“ i 4 „SUZDRŽANA“ glasa usvojene** (odsutan vijećnik Mirnes Ajanović)

Izmjene i dopune budžeta/proračuna Općine Vareš za 2016.godinu.

Ad.6.

(Nacrt budžeta/proračuna Općine Vareš za 2017. godinu.)

Općinski načelnik Zdravko Marošević u svom dužem obraćanju dao je pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe i stavove iznijeli vijećnici: Emir Islamović, Safeta Muftić, Đemo Kevrić, Kruno Ridić, Mario Mirčić (predložio je da se javna rasprava o Nacrtu sprovede do 15.01.2017. godine), Elvir Rožajac, Fadila Turki i Branko Romić.

Zatvorena je rasprava i predsjedavajući OV predložio je i stavio na izjašnjavanje slijedeći

Zaključak:

- **Prihvata se Nacrt proračuna/ budžeta Općine Vareš za 2017.godinu.**
- **Nacrt proračuna/budžeta Općine Vareš za 2017. godinu iz tačke 1. ovog Zaključka upućuje se na javnu raspravu u trajanju od 15 dana.**
- **Zadužuje se Općinski načelnik i nadležna služba za upravu da provedu javnu raspravu skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- **Sastavni dio Prijedloga biti će i Izvještaj o provedenoj raspravi.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“) usvojen predloženi Zaključak.**

Predsjedavajući OV dao je pauzu u trajanju od 30 minuta.

Nastavljeno je sa radom današnje sjednice.

Ad.7.

(Nacrt Odluke o izvršenju budžeta/proračuna Općine Vareš za 2017. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnica Ilhana Fatić skrenula pažnju na član 26. stav 1. koji se odnosi na sufinansiranje mrtvozornika JU Dom zdravlja Vareš i upoznala prisutne da nadležno ministarstvo izdvaja sredstva za usluge mrtvozornika.

Pomoćnik načelnika Ermin Musa izjavio je da će se prilikom izrade Prijedloga Odluke navedeno sufinansiranje mrtvozornika brisati iz teksta.

Nije bilo više učesnika u raspravi i predsjedavajući OV predložio je i stavio na izjašnjavaње slijedeći

Zaključak:

- **Prihvata se Nacrt Odluke u izvršenju proračuna/ budžeta Općine Vareš za 2017. godinu.**
- **Nacrt Odluke o izvršenju proračuna/budžeta Općine Vareš za 2017. godinu iz tačke 1. ovog Zaključka upućuje se na javnu raspravu u trajanju od 15 dana.**
- **Zadužuje se Općinski načelnik i nadležna služba za upravu da provedu javnu raspravu skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- **Sastavni dio Prijedloga biti će i Izvještaj o provedenoj raspravi.**
- **Ovaj Zaključak stupa na snagu danom donošenja.**

Nakon izjašnjavaња vijećnika predsjedavajući OV konstatuje da je **jednoglasno (17 glasova „ZA“) usvojen predloženi Zaključak.** (odsutan vijećnik Đemo Kevrić)

Ad.8.

(Prijedlog Odluke o privremenom finansiranju potreba Općine Vareš za period od 01.januara/siječnja do 31. marta/ožujka 2017. godine.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2017. godine.

Nakon izjašnjavaња vijećnika predsjedavajući konstatuje da je **jednoglasno (17 glasova „ZA“) usvojena**

Odluka o privremenom finansiranju potreba Općine Vareš za period od 01.januara/siječnja do 31. marta/ožujka 2017. godine.

Ad.9.

(Prijedlog Rješenja o odbijanju zahtjeva Fazlić Enesa iz Dabravina kojim je zatražio da mu se dodijeli zemljište državne svojine označeno kao k.č. broj 301/1 k.o. Dabravine, radi izgradnje poslovnog objekta.)

U raspravi je učestvovao vijećnik Mario Mirčić koji je postavio pitanje u vezi izgrađenog objekta.

Nije više bilo učesnika u raspravi i predsjedavajući OV stavio je na izjašnjavaње Prijedlog Rješenja o odbijanju zahtjeva Fazlić Enesa iz Dabravina kojim je zatražio da mu se dodijeli zemljište državne svojine označeno kao k.č. broj 301/1 k.o. Dabravine, radi izgradnje poslovnog objekta.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“)** usvojeno

Rješenje o odbijanju zahtjeva Fazlić Enesa iz Dabravina kojim je zatražio da mu se dodijeli zemljište državne svojine označeno kao k.č. broj 301/1 k.o. Dabravine, radi izgradnje poslovnog objekta.

Ad.10.

(Prijedlog Programa rada Općinskog vijeća Vareš za 2017. godinu)

Sekretar OV Leon Pavlović dao je dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja i prijedloge iznijeli vijećnici: Elvir Rožajac (predložio je da se za period juli-septembar planira obilježavanje genocida u Srebrenici), Emir Islamović i Kruno Ridić (sugerisao je da se tačka 43. razmatra u periodu april-juli, u normativno-pravnim aktima tačka 5. da se razmatra u aprilu mjesecu i tačka 23. da se briše i da se planira tačka koja ce se odnositi na demografsku situaciju na području općine Vareš).

Za riječ se javio sekretar OV i u svom obraćanju iznio mišljenje i dao pojašnjenja na iznesene prijedloge vijećnika u raspravi.

Općinski načelnik Zdravko Marošević obratio se Vijeću i u svom obraćanju skrenuo pažnju na mjesne zajednice i probleme sa kojima se susreću u svom radu kao i u postupku izbora članova Savjeta mjesnih zajednica.

Zaključena je rasprava i predsjedavajući OV stavio je na izjašnjavanje prijedlog Programa rada Općinskog vijeća Vareš za 2017. godinu.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“)** usvojen

Program rada Općinskog vijeća Vareš za 2017. godinu.

Ad.11.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2017. godinu, broj: 02-1248/16 od 13.12. 2016. godine.)

Pomoćnik načelnika Ermin Musa ispred ovlaštenog predlagagača dao je dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, sugestije, pitanja i prijedloge iznijeli vijećnici: Kruno Ridić (predložio je da se u akcioni plan uvrsti i asfaltiranje puta ili dijela puta kroz MZ Pogar), Safeta Muftić, Mirnes Ajanović, Đemo Kevrić, Adis Čizmo i Općinski načelnik koji je dao osvrt na diskusije vijećnika u raspravi i stanje lokalnih i gradskih puteva na području općine Vareš i planiranim aktivnostima na sanaciji istih.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2017. godinu, broj: 02-1248/16 od 13.12. 2016. godine.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“)** usvojen

Zaključak o davanju saglasnosti na Program rekonstrukcije, izgradnje i obnove lokalnih cesta za 2017. godinu, broj: 02-1248/16 od 13.12. 2016. godine.

Ad.12.

(Izveštaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove lokalnih cesta.)

Otvorena je rasprava u kojoj su svoja mišljenja, sugestije, pitanja iznijeli vijećnici: Alma Kamenjaš, Kruno Ridić, Elvir Rožajac i Đemo Kevrić.

Predsjedavajući OV odgovorio je na neka pitanja vijećnika postavljena u raspravi i ispred PJ Šumarija Vareš upoznao je prisutne sa aktivnostima PJ Šumarija Vareš u proteklom periodu, kada je u pitanju održavanje puteva koja su oštećena prilikom sječe i eksploatacije šume.

U daljnjoj raspravi su učestvovali: vijećnik Mirnes Ajanović-replika, pomoćnik načelnika Ermin Musa koji je dao odgovore na pitanja vijećnika (u vezi saradnje Općine Vareš i ŠPD Zavidovići d.o.o. u sanaciji puteva kao i odgovor za planiranje sredstava i sanacije lokalnih puteva) i vijećnik Đemo Kevrić-replika.

Zaključena je rasprava i predsjedavajući OV stavio je na izjašnjanje Izveštaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove lokalnih cesta.

Nakon izjašnjanja vijećnika predsjedavajući konstatuje da je **jednoglasno (18 glasova „ZA“ usvojen**

Izveštaj o realizaciji strategije razvoja lokalnih cesta i srednjoročnog Programa održavanja zaštite, rekonstrukcije, izgradnje i obnove lokalnih cesta.

Ad.13.

(Izveštaj o stanju poljoprivredne proizvodnje na području općine Vareš za 2016. godinu).

Otvorena je rasprava u kojoj su svoja mišljenja, sugestije i prijedloge iznijeli vijećnici: Dženan Džafo, Kruno Ridić (predložio je da se Izveštaj dopuni sa podatkom koliko je sredstava Općina dobila i po kakvim kriterijima i kome su dodijeljena) i Mirnes Ajanović.

Za riječ se javio Općinski načelnik koji je u svom obraćanju iznio mišljenje u vezi iznesenih sugestija i diskusija vijećnika i upoznao prisutne o planiranim aktivnostima nadležnih službi kada je u pitanju poljoprivredna proizvodnja na području općine Vareš.

Zaključena je rasprava i predsjedavajući OV stavio je na izjašnjanje Izveštaj o stanju poljoprivredne proizvodnje na području općine Vareš za 2016. godinu.

Nakon izjašnjanja vijećnika predsjedavajući konstatuje da je **jednoglasno (18 glasova „ZA“ usvojen**

Izveštaj o stanju poljoprivredne proizvodnje na području općine Vareš za 2016. godinu.

Ad.14.

(Izveštaj o realizaciji Programa finansiranja komunalnih djelatnosti u 2016. godini)

Otvorena je rasprava u kojoj su iznijeli svoja mišljenja, primjedbe i sugestije vijećnici: Kruno Ridić, Ilhana Fatić, Muftić Anel i Općinski načelnik Zdravko Marošević.

Zaključena je rasprava i predsjedavajući OV stavio je na izjašnjanje Izveštaj o realizaciji Programa finansiranja komunalnih djelatnosti u 2016. godini.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“ usvojen**

***Izveštaj o realizaciji Programa finansiranja
komunalnih djelatnosti u 2016. godini.***

Ad.15.

*(Izveštaj o realizaciji Programa rekonstrukcije,
izgradnje i obnove lokalnih cesta za 2016. godinu)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o realizaciji Programa rekonstrukcije, izgradnje i obnove lokalnih cesta za 2016. godinu.

Nakon izjašnjavanja vijećnika predsjedavajući OV konstatuje da je **jednoglasno (18 glasova „ZA“ usvojen**

***Izveštaj o realizaciji Programa rekonstrukcije,
i obnove lokalnih cesta za 2016. godinu.***

Ad.16.

*(Informacija o realizaciji projekata infrastrukture
na području općine Vareš za 2016. godinu.)*

Otvorena je rasprava u kojoj su iznijeli svoja mišljenja, primjedbe i pitanja vijećnici: Đemo Kevrić, Mario Mirčić i Općinski načelnik koji je u svom obraćanju izjavio da se slaže sa diskusijom vijećnika Đeme Kevrića da je u Informaciji trebalo navesti više konkretnih podataka.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

***Informacija o realizaciji projekata infrastrukture
na području općine Vareš za 2016. godinu.***

Ad.17.

(Tekuća pitanja)

1. Predsjedavajući OV upoznao je prisutne sa Zahtjevom MZ Budoželje za poboljšanje zdravstvene zaštite mještana MZ Budoželje-kvalitetnije korištenje područne ambulante, broj: 07-02/16 od 21.12.2016. godine.

Za riječ se javio vijećnik Adis Čizmo i ispred JU Dom zdravlja Vareš upoznao prisutne da je navedeni Zahtjev dostavljen menadžmentu i Upravnom odboru JU Dom zdravlja Vareš. Upravni odbor je razmotrio Zahtjev i donio odluku koja će se sprovesti u januaru mjesecu iduće godine. U narednom periodu ljekar će se upućivati dva puta mjesečno u terensku ambulantu Budoželje. Radovi na osposobljavanju grijanja započeti će u drugoj polovini naredne godine. O svemu navedenom Upravni odbor će pismeno upoznati predsjednika MZ Budoželje.

2. Predsjedavajući OV upoznao je prisutne sa Zahtjevom MZ Vareš u vezi problema podružnice Ljepovići koji se odnosi na učestalu nestašicu vode, broj: 01-31/16 od 22.11.2016. godine.

Za riječ se javio Općinski načelnik i upoznao prisutne da je obaviješten od strane JKP d.o.o. Vareš da je navedeni problem otklonjen.

3. Predsjedavajući OV upoznao je prisutne sa dopisom Udruženja obespravljenih radnika Vareš od 07.12.2016. godine, koji se odnosi na problematiku u TRD d.d. Vareš.

Za riječ se javio Općinski načelnik i upoznao prisutne da je održao sastanak sa predstavnicima menadžmenta TRD d.d. Vareš i firme Consider koji su zvanično izjavili da nemaju više snage da rade, imaju tržište ali nemaju obrtnog i investicionog kapitala. Spremni su da prodaju firmu sa osnovnim kapitalom, a to je dužnički kapital prema Poreskoj upravi i radnicima. Rok za izmirenje obaveza prema Poreskoj upravi je mjesec dana, u protivnom će Poreska preuzeti TRD i staviti je u prodaju.

Predsjedavajući OV u svom obraćanju upoznao je prisutne da je na sastanku sa rukovodiocem Poreske uprave Zenica obaviješten da je kompletna TRD d.d. u vlasništvu Poreske i da se ista prodaje. Upoznao je prisutne da će se nastojati tražiti partner koji će kupiti TRD kako bi ista nastavila sa radom i sa eventualnim načinima rješavanja njihovog problema. Sa istim je upoznat Sindikat i Udruženje. Predložio je da Vijeće ne donosi nikakav stav dok ne prođe rok od mjesec dana koji TRD ima za izmirenje obaveze, i da nakon toga Vijeće eventualno održi Tematsku sjednicu i donese konačan stav.

4. Predsjedavajući OV zatražio je od Općinskog načelnika suglasnost, a u vezi Odluke o utvrđivanju cijena komunalnih usluga od 2014. godine, da Vijeće donese Zaključak da se za narednu sjednicu Vijeća pripremi Odluka kojom se ne bi više išlo sa poskupljenjem vode, a da se time ne ošteti JKP i građani općine Vareš. O istom je dao pojašnjenje.

U raspravi su učestvovali i iznijeli mišljenje i prijedloge o predloženom: Općinski načelnik Zdravko Marošević, vijećnici Mario Mirčić, Elvir Rožajac i Đemo Kevrić.

Predsjedavajući OV predložio je i stavio na izjašnjavanje slijedeći prijedlog

Zaključka:

- **Zadužuje se načelnik i nadležna služba da do sljedeće sjednice OV obave razgovor sa menadžmentom JKP d.o.o. Vareš i da sačine novu Odluku o utvrđivanju cijena komunalnih usluga i visine naknade za priključno mjesto.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da **je jednoglasno (18 glasova „ZA“) usvojen predloženi Zaključak.**

Sekretar OV Leon Pavlović informisao je Vijeće da će Savez općina i gradova FBiH iduće godine organizovati jednodnevni seminar-obuku sa novoizabranim vijećnicima. O svim pojedinostima vijećnici će biti blagovremeno obaviješteni.

Predsjedavajući OV u svoje lično ime i u ime Općinskog vijeća, čestitao je svim građanima općine Vareš Novu godinu, pravoslavnim građanima nadolazeći blagdan Božić i pravoslavnu Novu godinu.

Sastavni dio ovog Zapisnika je audio zapis sjednice.
Sjednica je završena u 18,40 sati.

SEKRETAR

Leon Pavlović

**PREDSJEDAVALJUĆI
OPĆINSKOG VIJEĆA**

ZAPISNIČAR

Azra Ibrahimović

Kenan Kamenjaš